



# **POLITEKNIK METRO Johor Bahru**

**Jabatan Pengajian Politeknik**  
**KEMENTERIAN PENGAJIAN TINGGI MALAYSIA**



## **ARAHAN**

Baca dengan teliti semua maklumat yang terkandung dalam buku ini, fahamkan dan ambil semuatindakan yang berkaitan dengan segera.

Buku ini terdiri daripada 4 (empat) bahagian:

- Maklumat Am
- Maklumat Pendaftaran
- Maklumat Yuran
- Senarai Semak

## **BAHAGIAN A :MAKLUMAT HARI PENDAFTARAN**

Hari pendaftaran

<b>TARIKH</b>	17 Jun 2013
<b>MASA</b>	8.30 PAGI – 11.00 pagi
<b>TEMPAT</b>	POLITEKNIK METrO JOHOR BAHRU JALAN SURIA 19, TAMAN PUTRA, 81100 JOHOR BAHRU, JOHOR

## BAHAGIAN B: MAKLUMAT AM

### PENGENALAN

#### 1. LATAR BELAKANG POLITEKNIK METRO JOHOR BAHRU

Politeknik Metro Johor Bahru (PMJB) mula beroperasi pada 1 April 2011. PMJB merupakan Politeknik Metro yang ketiga ditubuhkan oleh Kementerian Pengajian Tinggi Malaysia selepas Politeknik Metro Kuala Lumpur dan Politeknik Metro Kuantan. Kini, Politeknik METrO telah bertambah dengan pembukaan dua lagi Politeknik METrO iaitu Politeknik METrO Betong Sarawak dan Politeknik Tasek Gelugor, Pulau Pinang. Kewujudan Politeknik Metro melebarluaskan akses pendidikan dan latihan kepada lepasan SPM dan juga golongan yang sedang bekerja (*working adults*). Program pengajian yang akan ditawarkan oleh Politeknik Metro Johor Bahru bertujuan untuk memenuhi permintaan di sektor perkhidmatan. Sektor ini mengalami pertumbuhan pesat kini dan dijangka akan terus berkembang di masa akan datang. Menyedari potensi pertumbuhan sektor perkhidmatan dan sumbangannya kepada GDP negara, kerajaan melalui kerangka Model Baru Ekonomi (NEM) mensasarkan sektor ini menjadi *the engine of growth* untuk memacu dan melestari ekonomi negara. Premis tetap PMJB terletak di wilayah pembangunan Iskandar Malaysia. Iskandar Malaysia adalah koridor pembangunan yang menjadi *flagship economic project* kerajaan Malaysia. Sektor perkhidmatan adalah tonggak utama yang dominan dalam ekonomi Iskandar Malaysia. PMJB komited membangunkan modal insan inovatif dari kalangan warga Johor Bahru khususnya dan rakyat Johor amnya bagi menyokong sasaran aktiviti ekonomi Iskandar Malaysia.

Kursus yang ditawarkan di Politeknik Metro Johor Bahru :

- a) **Diploma In Islamic Banking & Finance**
- b) **Diploma In Logistics and Supply Chain**

#### 2. PANDUAN UNTUK KE POLITEKNIK METrO JOHOR BAHRU (PMJB)

PMJB telah beroperasi di kampus baru bermula Februari 2013. Kampus PMJB kini telah berada di tengah-tengah bandaraya Johor Bahru hanya beberapa minit sahaja dari pusat Bandaraya Johor Bahru. Terletak di Taman Putra bersebelahan Pasaraya Giant Taman Suria, Johor Bahru. Sekiranya anda daripada Lebuhraya Utara-Selatan susur keluar ke Pandan dan pilih ke arah Bandaraya Johor Bahru. Jarak perjalanan daripada susur keluar Pandan ke PMJB lebih kurang 5 km dan PMJB berada di sebelah kanan anda.



### 3. PERINGATAN SEBELUM PENDAFTARAN

- Semakan dokumen asal akan dilakukan pada hari pendaftaran. **Bawa semua dokumen asal** yang telah dikehendaki oleh PMJB pada hari tersebut. **Pendaftaran anda akan ditolak sekiranya anda gagal menunjuksn dokumen-dokumen tersebut.**
- Pengarah Politeknik METrO Johor Bahru juga berhak menarik balik tawaran belajar sekiranya terdapat percanggahan maklumat di antara dokumen asal dengan maklumat yang telah anda berikan semasa memohon ke Politeknik.
- Lengkapkan semua borang (BHHP1, BHHP2, BHHP3, BHHP4, BHHP5, dan (BHHP6) yang terdapat di laman web **www.politeknik.edu.my** sebelum diserahkan semasa hari pendaftaran.
- Sila lakukan pemeriksaan doktor menggunakan borang Laporan Pemeriksaan Doktor (BHHP2). Pemeriksaan doktor boleh dilakukan di hospital kerajaan atau klinik swasta (x-ray tidak diperlukan)
- Sila buka Akaun Bank Islam (BIMB) untuk proses permohonan pinjaman melalui Perbadanan Tabung Pendidikan Tinggi Nasional (PTPTN).

### 4. KEMUDAHAN TEMPAT TINGGAL

1. Politeknik METrO Johor Bahru **TIDAK** menawarkan kemudahan asrama kepada semua pelajar.
2. Bagi pelajar yang memerlukan kemudahan tempat tinggal, Politeknik METrO Johor Bahru hanya menyediakan senarai rumah atau bilik sewa yang akan dihantar kemudian kepada pelajar sebelum hari pendaftaran. Sebarang urusan berkaitan tempat tinggal akan diuruskan sendiri oleh pelajar bersama penyewa.

## 5. BANTUAN KEWANGAN

Bagi memudahkan urusan yang berkaitan dengan biasiswa/pinjaman pendidikan, pelajar diminta menyediakan keperluan-keperluan berikut:-

### PINJAMAN PTPTN

- 1) Membuka Akaun Bank Islam
- 2) Menyediakan **2 SALINAN DOKUMEN BERSAIZ A4** seperti berikut:
  - Kad pengenalan pelajar
  - Kad pengenalan ibubapa
  - Surat tawaran kemasukan ke politeknik
  - Slip/Sijil keputusan peperiksaan SPM
  - Sijil politeknik atau transkrip & sijil keputusan peperiksaan SPM bagi pelajar lulusan politeknik
  - Penyata pendapatan @ slip gaji ibu/bapa/penjaga terkini
  - Sijil kematian ibu/bapa atau surat sumpah (jika ibu/bapa tidak dapat dikesan) sekiranya berkaitan sahaja.
  - Maklumat akaun Bank Islam yang mana mengandungi nama, nombor akaun serta no. kad pengenalan pelajar (Salinan Pengesahan Akaun Bank Islam Malaysia Berhad)
  - Surat Akuan / Pengesahan ibubapa openerima bantuan Baitulmal atau Jabatan Kebajikan Masyarakat
- 3) Maklumat mengenai pinjaman PTPTN sila rujuk laman web <http://www.ptptn.gov.my>

**Perhatian:** Kesemua dokumen yang dinyatakan di atas **HENDAKLAH DISAHKAN** oleh Pegawai Kerajaan Kumpulan A @ Ketua Kampung @ Penghulu yang dilantik oleh kerajaan.

Semua salinan dokumen-dokumen terbabit hendaklah dibawa ke politeknik dan disahkan oleh pensyarah atau penasihat akademik masing-masing.

### PINJAMAN LAIN

Pelajar boleh memohon pinjaman/biasiswa/dermasiswa dari mana-mana institusi yang berkenaan dan perlu membuat permohonan sendiri ke institusi tersebut.

## 6. RUPADIRI PELAJAR

Semua pelajar Politeknik Kementerian Pengajian Tinggi Malaysia tertakluk kepada Akta Institusi-Institusi Pelajaran (Tatatertib) 1976, Pindaan 1997 (Akta 174) dan semua peraturan bertulis di Politeknik. Secara umumnya pelajar-pelajar hendaklah sentiasa berpakaian kemas, bersih, menutup aurat (bagi pelajar Islam) dan sopan. Semua jenis pakaian yang "menjolak mata" dan tidak menepati peraturan Politeknik adalah dilarang sama sekali. **Sila rujuk Buku Peraturan Politeknik Kementerian Pengajian Tinggi Malaysia yang akan diedarkan semasa pendaftaran.**

### 6.1 Pakaian dan Rupidiri Pelajar Lelaki

#### **A. Baju**

- Baju kemeja berlengan panjang atau pendek
- Baju T berkolar yang tidak mempunyai tulisan atau gambar yang membawa pengertian yang negatif.
- Baju perlu sentiasa dimasukkan ke dalam seluar (tuck-in) dan semua butang dikenakan dengan sempurna.

- Pemakaian baju Melayu (Baju Kebangsaan) dibenarkan tetapi hendaklah lengkap sepasang dengan samping dan songkok hitam.
- Bertali leher.

#### **B. Seluar**

- Seluar 'slack' panjang.
- Seluar 'jeans' tidak dibenarkan.

#### **C. Kasut**

- Pelajar hendaklah memakai kasut yang sesuai untuk kerja di pejabat dan memakai sarung kaki dengan sempurna.
- Kasut sukan dibenarkan.
- Pemakaian selipar, terompah, capal dan seumpamanya dilarang semasa pelajar berada dalam kampus PMJB (kecuali di asrama).

#### **D. Rambut**

- Rambut sentiasa pendek dan kemas. Rambut berfesyen seperti 'afro', 'punk', berekor dan diwarnakan adalah dilarang.

#### **E. Perhiasan**

- Pelajar dilarang memakai sebarang bentuk perhiasan kecuali bagi keperluan agama.

### **6.2 Pakaian dan Rupadiri Pelajar Perempuan**

#### **A. Baju**

- Pakaian yang menutup aurat, bersih, kemas dan sopan bagi semua pelajar Islam.
- Pakaian yang menjolok mata dilarang (contoh pakaian yang ketat, jarang, pendek, berbelah, nipis dan mendedahkan mana-mana bahagian badan seperti dada, bahu dan belakang).
- Pakaian hendaklah berlengan panjang sampai kepergelangan tangan.
- Labuh baju sekurang-kurangnya menutupi paras punggung.
- Pelajar bukan Islam dilarang memakai 'skirt' yang pendek dari paras lutut.
- Baju-T berkolar bulat dilarang.

#### **B. Sarung/Maxi**

- Pakaian berbentuk sarung/maxi mestilah labuh, longgar dan tidak jarang.

#### **C. Seluar**

- Pelajar perempuan boleh memakai seluar 'slack' panjang yang tidak ketat serta tidak menjolok mata.
- Seluar 'jeans' dilarang.

#### **D. Kasut**

- Pelajar hendaklah memakai kasut yang sesuai semasa menghadiri kuliah, berurusan di pejabat dan memakai sarung kaki dengan sempurna.
- Kasut sukan dibenarkan.
- Pemakaian selipar, terompah, capal dan seumpamanya dilarang semasa pelajar berada dalam kampus PMJB (kecuali di asrama).

### **E.Rambut**

- Pelajar Islam WAJIB berpakaian yang menutup aurat (contoh bertudung) seperti yang disyariatkan Islam.
- Rambut hendaklah kemas dan beridentitikan seorang pelajar perempuan.
- Rambut fesyen seperti 'afro', 'punk', berekor, diwarnakan atau seumpamanya adalah dilarang.

### **F.Perhiasan**

- TIDAK digalakkan memakai barang kemas dan solekan yang berlebihan.

## **7. HAL-HAL LAIN**

- Semua pelajar dinasihatkan membawa pakaian sukan atau lain yang sesuai dan memenuhi syarat-syarat cara berpakaian.
- Pelajar Islam dikehendaki membawa senaskah Al-Quran dan pakaian bersolat yang lengkap.
- Sekiranya memiliki mesin kira (calculator) saintifik, ia hendaklah dari jenis yang tidak boleh diprogramkan.
- Jika ibu/bapa atau penjaga berkerja dalam sektor awam atau swasta, sila bawa salinan Borang J (Cukai Pendapatan – jika ada) untuk tujuan biasiswa/pinjaman pelajaran yang berkaitan.

## BAHAGIAN C: MAKLUMAT BAYARAN YURAN

Terdapat DUA (2) jenis yuran yang perlu dijelaskan oleh semua pelajar baharu. Yuran-yuran tersebut adalah seperti berikut:

- i. Yuran Pengajian
- ii. Bayaran Pendaftaran

Semua bayaran yuran boleh dijelaskan di mana-mana cawangan bank yang berdekatan dengan tempat kediaman pelajar **mengikut langkah berikut** :

1. Dapatkan **dua** (2) slip "**Pembayaran**" dari **Bank Islam (BIMB)** yang dibekalkan dan sila isi borang berpandukan contoh lampiran :
  - (a) **BIMB1: Yuran Pengajian**  
Jumlah : RM 200.00
  - (c) **BIMB2 : Bayaran Pelbagai**  
Jumlah : RM 600

– KAEDAH PEMBAYARAN YURAN AKAN DIHANTAR KEPADA PELAJAR SETELAH PELAJAR MENGHANTAR BORANG JAWAPAN TERIMA (BJT)



## BAHAGIAN D: SENARAI SEMAK

Semak dan tandakan (√) pada petak yang berkenaan sekiranya perkara-perkara berikut telah disediakan oleh anda sebelum hadir mendaftar di Politeknik Metro Johor Bahru pada **tarikh yang telah dimaklumkan**.

### DOKUMEN ASAL

1. Kad Pengenalan
2. Surat Tawaran Kemasukan ke Politeknik
3. Sijil atau Slip Keputusan Peperiksaan SPM/SMPV/ Sijil akademik yang lain
4. Sijil Berhenti Sekolah
5. Sijil Kokurikulum yang berkaitan (terutamanya yang mewakili negara dan negeri)
6. Surat Akuan/Testimonial sekolah (jika berkaitan)


### SLIP BAYARAN

1. Slip Bank Islam – YURAN PENGAJIAN
2. Slip Bank Islam – BAYARAN PELBAGAI


### BORANG PENDAFTARAN

1. Borang-borang Pendaftaran (BHHP1 hingga BHHP6) yang telah lengkap diisi dan semua diketipkan (*stap/e*) sekali mengikut tertib/aturan

--

### GAMBAR

1. Gambar warna yang terkini berukuran passport 8 keping

--

### DOKUMEN- PINJAMAN PTPTN( 2 salinan beserta DISAHKAN- sekiranya memohon )

1. Surat Tawaran Kemasukan Politeknik
2. Slip/Slip SPM
3. Sijil Berhenti Sekolah
4. Sijil-sijil Kokurikulum
5. Kad Pengenalan Pelajar
6. Kad Pengenalan Ibumama/Penjaga
7. Borang J (Penyata Pendapatan Ibumama) Slip Gaji/Pengesahan Gaji
8. Tiga (3) salinan Buku Akaun Bank Islam (BIMB)
9. Salinan sijil nikah (bagi pelajar yang dah berkahwin)


**PASTIKAN SEMUA SALINAN YANG DIBUAT/DISERTAKAN TELAH DISAHKAN TERLEBIH DAHULU  
SELAMAT DATANG DAN MENDAFTAR KE POLITEKNIK METRO JOHOR BAHRU**